

Poetry Series

Gil Nambatac
- poems -

Publication Date:
2009

Publisher:
Poemhunter.com - The World's Poetry Archive

Gil Nambatac(July 24,1993)

Angelito " Gil" Gomos-Nambatac, Jr is a Cebuano decent born in Iligan City, Philippines. He still don't consider himself as a poet but continues to dream to be one someday. He writes in Cebuano (his mother tongue) and in English.

Ako, Lumad

Ako Lumad

Dili kahoy pangsugnod
Sa makinaryas gobyerno
Gitawag Militarisasyon.

Ako Lumad

Dili mananap ihalas
Basta-bastahong pamusilon
Sa kabukirang gihawanan
Sa namuhonang mga Kapitalista.

Ako Lumad

Dili sagbot nga pagatumban,
Katungod yatak-yatakan
Sayun-sayonon, biay-biayon
Tungod sa atong lahing tinuohan.

Ako Lumad

Tugpanalipod sa akong kultura.

Ako Lumad

Bagani sa yutang natawhan.

Ako Lumad

Ahak sa kinaiyahan.

Gil Nambatac

Iligan City

I didn't expect to see you
In this quite a crowded place
Where everyone I meet
Hugs and sleeps with rats and crumbs around.
Well, I immediately recognize you
Like you will recognize any blue-blooded fellow
Who was once biting a silver spoon
But by any means, was biting her nails beside the streets.

I remember you seated in your throne
Of rocks in the mountains, and water cascading between them.
Where was that royalty that I saw before?
Seems to be here with me
With spare coins in cans.

Gil Nambatac

Once Upon A Time

Once upon a time
Gihigugma ko ikaw
Gihigugma ko ikaw
Ug gihiguma ko nimo
Pero unsa uroy ang nahitabo
Nga nalain man ang timplas panahon
Mora bag ang panganod
Nakalitan sa ITCZ ug taod-taod
Ginganlan nag Bagyong Gil.
Pero unsa uroy nahitabo
Sa akong gugmag mga saad nimo
Nga napuli man sa dakong pagkakapoy.
Wa nagyoy PAG-ASA.
Gikapoy nako.

Gikapoy nako.
Gikapoy nakog uyon-uyon
Hugoy-hugoy, tambayayong
Tambay-tambay
Sa babayeng ang Gugma
Ako nang gidudahan, ako nang gikamahay
Gikapoy nako.

Gikapoy nako.
Mora kag halas
Nga milikos sa akong liog
Kon ilabay mo nang
Imong bukton
Human sa usa ka semana ug kapin nga wala ta nagkitaay.
Mora kag baboy
Nga mobagnos sa akong aping
Anang imo simod daw mohalok sako
Atubangan sa imong mga punyetang mga higala.
Labaw pa gyod nimo ang Humba
Kon makapasinaw ka
Anang imong ngabil.
Luyo sa akong pagpamadlong nimo
Wala ka naminaw
Ug nagpatuyang pa man gani.

Gikapoy nako.

Gikapoy nakog pugong-pugong
Sa akong ulo nga dili maglingo-lingo
Kon mangutana ka kon
Love pa ba tika.
Love pa ba tika?
Mao nay dakong pangutana
Nga maski ipangutana pa nimo na
Sa tuko sa inyong bungbong
Tubagon ra kag pagpanakla.
Yawa-a ka.
Gikapoy nako.

Maong Ga,
Husto na.
Husto na ug undangi nako anang imong paghilak-hilak
Husto na Ga
Ayaw na nang imong second chance-second chance
Ayaw nagpaghangyo
Nga mora bag suki sa merkado
Kon mopalit og isda halos nalang gani pangayoon.
Ayaw na ana Ga
Kay makaluluoy naka tan-awon
Makaluluoy naka tan-awon
Nanglimos sa Gugma
Bahalag sinsilyo
Bahalag mumho
Bahalag salin ug linain
Mosugot ra gihapon ka.
Wa pa ba ka pul-i Ga?
Gikapoy nako.

Maong karon
Imbis ang napulo ka giya
Ni Juan Miguel Severo
Nga daw iyang nakat-onan
Sa mga tawong nahigugma
Ang akong ilaparo ko kanimo,
Usa lang
Usa lang ang kinahanglan nimong
Dumdomon

Isuksok
Isil-isil
Ipalata
Diha sa imong panumdoman
Diha sa imong hunahuna
Diha sa imong utok nga magulang ras mongos.
Usa lang:
Buhi-i ko.

Buhi-a na ang paggunit sa akong kamot.
Buhi-a na
Ug pangita a og lain
Pangita na og lain
Nga hugot kon mukupot kanimo
Sama sa imong pagpabilin
Luyo sa akong pagdumili nga ubanan ka
Sa pagpuyo anang paraiso nimong ginatawag nga Gugma.
Sama sa imong pagpugos nimo sa imong kaugalingon
Nga mahalon ka
Sa panahon nga naantos pa nako kining tanan nga gitawag nakong kabuang.
Busa buhi-a nako
Bag-o pa mobuhagay ang mga pulong sa akong baba
Para maka-ideya ka nga naa nakoy laing nakit-an.
Ayaw na kana tagda
O gusto ba nimo ipa-ilaila pa ka nako siya?
O, dili diba? Maong undang na. Buhi-a nako.

Ug human niining tanan
Ug human niining pila ka bulan nga kadramahan
Ug human niining way nadang panghitabo sa atong duha
Bahalag gikapoy nako
Bahalag gihangak pako
Unta sa sunod natong panagkita
O kon asa sunod magtagbo kining atong duha ka kalimutaw
Unta hanoy na ang "How are you?" diri sa akong dila
Ug sa way paglipod-lipod
Dali ra sad ko nimog matubag
"I'm Fine, and you? "
Nga morag walay nahitabo
Nga morag walay nahitabong sama sa usa ka "Once upon a time";.

